



Na osnovu člana 3. stav (1) Zakona o službi u OS BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i Pravilnika o školovanju kadeta i vojnih stipendista („Službeni glasnik BiH“, broj: 34/19), a u cilju odabira kandidata/kinja za školovanje na fakultetu u Bosni i Hercegovini, Ministarstvo odbrane Bosne i Hercegovine raspisuje,

JAVNI KONKURS
za školovanje vojnih stipendista na dodiplomskom studijskom programu
„Aeronautika – smjer pilot“ u BiH u školskoj 2019/2020. godini

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 10 vojnih stipendista na dodiplomskom studijskom programu „Aeronautika – smjer pilot“ na fakultetu u BiH, za školsku 2019/2020. godinu.

II – USLOVI KONKURSA

- 1. Opći uslovi** su propisani članom 9. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):
 - a) da je državljanin Bosne i Hercegovine,
 - b) da je zdravstveno sposoban za službu u oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,

- 2. Posebni uslovi:**
 - a) završena srednja škola IV stepen ili da trenutno pohađa IV razred srednje škole,
 - b) da je postigao/la ukupan uspjeh tokom školovanja najmanje vrlo dobar (kandidati/kinje sa prosjekom ocjena odličan će imati prednost ako dva ili više kandidata/kinje imaju jednak ukupan broj bodova),
 - c) kandidati/kinje koji trenutno pohađaju IV razred srednje škole, po završetku istog, a najkasnije do 21.06.2019. godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,
 - d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
 - e) da nije mlađi/a od 18 i stariji/a od 22 godine na dan 30.09.2019. godine
 - f) da je prosjek ocjena iz matematike najmanje dobar,
 - g) poznavanje engleskog jezika (provjerava se testom ALCPT),

- h) poznavanje rada na računaru (Word, Excel, Power Point, Internet),
- i) fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomene: Kandidati/kinje prijavljeni na Javni konkurs proći će najmanje: test fizičke spremnosti, psiho test, test iz poznavanja engleskog jezika i intervju. Fakultet koji organizuje studijski program „Aeronautika“ organizirat će prijemni ispit koji će uključivati najmanje test općeg znanja i test selektivnog letenja.

Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Rangiranje kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Trajanje školovanja na dodiplomskom studijskom programu „Aeronautika“ traje 4 (četiri) godine. Školovanje se realizuje na službenim jezicima u BiH i engleskom jeziku. Po završetku školovanja kandidati stiču akademsko zvanje: Bachelor aeronautike – pilot.
2. Odabrani kandidati/kinje imat će status vojnih stipendista, čija će prava i obaveze biti regulisane u skladu sa članovima: 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).
3. Po završetku školovanja, vojni stipendisti će završiti osnovnu oficirsku obuku u BiH, nakon koje će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, roda - avijacija.
4. Međusobne obaveze kandidata/kinja izabranog/ne za školovanje u statusu vojnog stipendiste na dodiplomskom studijskom programu „Aeronautika“ u BiH i MO BiH regulišu se Ugovorom o školovanju.
5. Za vrijeme školovanja vojnim stipendistima su osigurani troškovi školarine i stipendija u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12). Troškovi smještaja i ishrane za vrijeme školovanja nisu osigurani.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba).
- b) Ovjerene kopije svjedočanstava svih razreda srednje škole,
- c) Ovjerena kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred, s tim da je kandidat/kinja u obavezi naknadno dostaviti ovjerenu kopiju diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda,
- d) Original ili ovjerena kopija Uvjerenja o državljanstvu, ali ne starije od 6 (šest) mjeseci,

- e) Original ili ovjerena kopija Izvoda iz matične knjige rođenih, ali ne stariji od 6 (šest) mjeseci,
- f) Uvjerenje o nevođenju krivičnog postupka, ne starije od 3 (tri) mjeseca,
- g) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa ili notara (isključivo po obrascu ponuđenom na www.mod.gov.ba),
- h) Prijava prebivališta CIPS-a ne starija od 3 (tri) mjeseca,
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- j) Saglasnost za obradu biografskih podataka/informacija za potrebe procesa konkurisanja (isključivo po obrascu ponuđenom na www.mod.gov.ba).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata/kinja izvršit će Komisija koju će formirati ministrica odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

**Ministarstvo odbrane Bosne i Hercegovine
ul. Hamdije Kreševljakovića 98
71 000 Sarajevo**

Sa naznakom „Javni konkurs za školovanje vojnih stipendista dodiplomskom studiju „Aeronautika – smjer pilot“ u BiH za 2019/2020. godinu“

Konkurs ostaje otvoren 15 (petnaest) dana od dana objavljivanja. Ocjena o ispunjenosti uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje.

Napomena: Ovaj konkurs se ima smatrati konkursom sa odgovornim uslovom, jer je isti uslovljen sklapanjem sporazuma između MO BiH i fakulteta u BiH na dodiplomskom studiju „Aeronautika“ za školsku 2019/2020. godinu o pružanju usluga školovanja vojnih stipendista za potrebe MO BiH. U slučaju da se navedeni uslov ne ostvari, odnosno da MO BiH, u fazi neizvjesnosti, ne postigne sporazum sa odgovarajućom visokoškolskom ustanovom u BiH na dodiplomskom studiju „Aeronautika“; MO BiH zadržava pravo poništenja ovog konkursa iz navedenih razloga ili pravo promjene određenih tačaka iz ovog konkursa.

Broj: 10-33-2-1826-45/18
Sarajevo, 30.05.2019. godine

MINISTRICA

Marina Pendeš